

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Priori Et Capitvlo Dominici sepulchri Ieerosolymitani.

urn:nbn:de:hbz:466:1-20020

caurela inter viros & mulieres de quibus
mentio est præmissa, ut utrorumque ad al-
teros accessus haberi nequeat illicitus vel
suspectus. Illudque diligenter observa,
quod memorati viri dicuntur sub disciplina
& visitatione catholicorum pauperum per-
manfuri, ut hujusmodi disciplina & visita-
tio sane doctrinæ convenient & ecclesiastici
honestati. Datum Laterani vii. Kal.
Iunij, pontificatus nostri anno decimo-
quinto.

*E P I S C O P O , E T A B B A T I
sancti Victoris, & Cancellario Parisensi.*

*Liber. 13.
Scribitur pro
Comite Ni-
vernensi.
Vide lib. 14.
ap. 123, 126.
ib. lib. 15. ap. 18.
11.*

CVm nuper vobis contra insolentiam
nobilis viri Comitis Nivernensis Virzi-
liacense monasterium opprimentis sub cer-
ta forma direxerimus scripta nostra, dilec-
tus filius magister I. Clericus, diligens &
fidelis procurator ipsius, formam ipsam in-
telligens, gravi fuit dolore turbatus, hu-
milater nobis supplicans, cautionem quam
poterat offerendo, ut quod mandabamus in
illis de inquisitione consanguinitatis inter
eundem Comitem & Comitissam auctoritate
apostolica facienda, de litteris illis
adimere dignaremur, promittens quod
idem Comes, voluntate nostra plenius in-
tellecta, cessabit ab indebita molestatione
monasterii memorari. Quocirca difcre-
tioni vestra per apostolica scripta manda-
mus quatinus si nondum processisti ad in-
quisitionem hujusmodi faciendam, & ipse
Comes satisfecerit competenter, sufficien-
ter cavendo quod à procuracysi immode-
rantia, quam ad justum reduci mandavi-
mus moderamen, de cetero conqueseat,
vos ad inquisitionem illam minime proce-
datis. Alioquin mandatum apostolicum
exequi procuretis prout videritis expedire.
Quod si non omnes &c. tu ea, frater Epis-
cope &c. Datum Laterani iiii. Kalend.
Iunij, pontificatus nostri anno decimo-
quinto.

E P I S C O P O A R I M I N E N S I .

*Liber. 24.
Scripta Otho-
nia decemna-
trum.*

CVm ea omnia quæ Otho, non jam
nominandus Imperator, sed impius
persecutor, contra Clericos vel Ecclesiás
statuit aut statuerit, denuntiaverimus irri-
ta & inania, fraternitati tuae per apostolica
scripta mandamus quatinus si quis conce-
fione, sententia, privilegio, vel mandato
ejusdem Othonis uti voluerit in prejudi-
cium vel damnum Ecclesiæ Ravennatis,
tu ipsum ab hujusmodi præsumptione per
censuram ecclesiasticam appellatione re-
mota compescas. Datum Laterani ix.

kal. Iunij, pontificatus nostri anno deci-
moquinto,

E I D E M .

Venerabilis frater noster * Liniensis *Epist. 25.*
Episcopus nobis significare curavit *Ejusdem argu-
menti cum la-
periore.*
quod cum O. dictus Imperator propter la-
tam in se à nobis excommunicationis sen-
tentiam quasdam terras & res alias Linien-
sis episcopatus Comitibus & communi de-
castro Cario Liniensis dioecesis concessisset,
& secundum hoc privilegium suum dedis-
set eisdem, ipsi Comites & commune fa-
cientes Linensem Ecclesiam super his per
judices suos sententialiter condemnari, res
occuparunt eisdem, & distribuerunt pro
velle alias possidendas in enorme sui & Li-
niensis Ecclesiæ detrimentum. Quocirca
fraternitati tuae per apostolica scripta man-
damus quatinus quicquid occasione privi-
legiorum prædicti excommunicati noveris
attentatum in præjudicium Ecclesiæ Li-
niensis, auctoritate apostolica sublato ap-
pellationis obstaculo non differas irritare,
& ne dicti Comes & commune privilegii
ipsis utantur, eis firmiter inhibere procu-
res, contradictores, si qui fuerint, vel re-
belles per censuram ecclesiasticam appella-
tionem postposita compescendo. Datum
Laterani x. Kal. Iunij, pontificatus nostri
anno decimoquinto.

*P R I O R I E T C A P I T V L O
Dominici sepulchri Ierosolymitan.*

CVm a nobis petitur &c. usque perdu-
catur effectum. Eapropter, dilecti in *Epist. 26.*
Domino filij, vestris iustis precibus grato *Confirmatur
quedam com-
positio.*
concurrentes assensu, compositionem in-
ter vos ex una parte & venerabilem fratrem
nostrum Thessalonicensem Archiepisco-
pum ex altera super Ecclesia sancti Demet-
trij Thessalonicensis amicabiliter initam,
sicut sine pravitate provide facta est & ab
utraque parte sponte recepta, auctoritate
apostolica confirmamus & praesentis scrip-
ti patrocinio communimus. Ad majorem
autem cautelam, litterarum tenorem quas
idem Archiepiscopus nobis transmisit de
verbao verbum praesenti pagina duximus
inserendum. **S A N C T I S S I M O** Patri &
Domino Innocentio Dei gratia sacrosan-
ctæ & universalis Ecclesiæ summo Pontifi-
ci G. ejusdem patientia & vestra Thessalo-
nicensis Ecclesia minister, licet indignus,
se ipsum ad pedes cum obedientia filiali.
Cum propter schismaticam inobedientiam
summi Regis vindicta terram Græcorum
correctionis funiculo flagellasset, & ipsam *

de secreto atque inestimabili consilio suo
 ad manus reduxisset Latinorum, multi re-
 ligiosi de diversis partibus accedentes di-
 versa beneficia tam per Dominos Cardina-
 les quam per Principes & Barones & alios
 fideles adepti sunt. Inter quos sacrosancti
 sepulchri Canonici Ecclesiam sancti De-
 metrij Thessalonicensis quoquo modo ga-
 visi sunt adipisci, quam usque ad inthroni-
 zationem meam cum multis laboribus &,
 ut verum fatetur, illi terra multum nece-
 sarij possederunt. Sanè quamvis prædicta
 Ecclesia sancti Demetrij ad jurisdictionem
 meam pertinere noscatur, tamen obreve-
 rentiam dominici sepulchri, ubi redemp-
 tio humani generis operata est, & ad cuius
 subventionem crucisignatorum exercitus
 terram Romaniae dicitur acquisisse, ne
 etiam dicti Canonici sua spe & laboribus
 penitus fraudarentur, & ut omnis quastio
 & controversia, qualis inter me & ipsis
 super hoc exorta, quæ de facili ordine ju-
 dicario non poterat tempore instanti prop-
 ter causæ perplexitatem diffiniri, per pa-
 cem & æquitatem facilius sopiaitur, præ-
 fertim cum in sacerdicia Ecclesia tanti mar-
 tyris corpore decorata tam favorabilis Ec-
 clesiæ Canonici regulares honorificiūs
 quam seculares valeant deservire, pruden-
 tum virorum fretus consilio, videlicet Ar.
 Cermopilensis Episcopi Sarrensis postula-
 ti, W. Nazarocensis electi Philippensis
 postulati, & magistri R. Citrensis electi,
 mihi, quantum in me est, vium est utile
 pariter & honestum ut memorati Canonici
 dominici sepulchri de universis possessioni-
 bus, proventibus, fructibus, redditibus,
 legatis, & elemosynis quoconque justo
 modo ad dictam Ecclesiam sancti Demetrij
 pertinentibus, sicut per instrumenta
 vel per testes idoneos five alio justo modo
 probari legitimè poterit, insuper de om-
 nibus illis quæ aliquo tempore Archiepiscopis
 Thessalonicensibus nomine Ecclesiæ
 prædicti sancti Demetrij collata fuerunt,
 vel in posterum conferentur, sicut, ut su-
 præ dictum est, legitimè probari poterit,
 talem pro servitu sacerdicia Ecclesia per-
 cipient portionem quamlibet Canonici san-
 ctæ Sophiæ Thessalonicensis metropolis de
 possessionibus ejusdem percipient, cum
 eam contingerit ordinari. Domos siqui-
 dem quas Clerici sancti Demetrij tempo-
 re Græcorum intra Thessalonicanam habe-
 bant, Canonici sancti sepulchri extra par-
 tem possidebunt; oblationes quoque ma-
 nuales & quoconque eis legata fuerint no-
 minatum, five nomine sancti sepulchri, si-

militer extra partem recipient. Ea verò
 quæ super tumbam sancti Demetrij offe-
 rentur, vel Ecclesia ejusdem nominatum
 legata fuerint, secundum supradictam di-
 visionem partientur. Adjuncto tantum,
 quod cùm dicti Canonici in Ecclesia illa
 Capellanos vel Clericos pro tempore insti-
 tuent, sub eadem fidei religione qua ipsis
 tenebuntur eis injungent quod nullatenus
 aliquibus in testamento vel alias persuade-
 bunt ut ipsis Canonicis magis quam Ecclæ
 sia in præjudicium & damnum Archiepis-
 copi debeant erogare. Expensis, quantum
 ad sarta tecta vel luminare Ecclesiæ & jus-
 ta tumbæ custodia, de communi pro rata
 faciendis. Præterea Prior qui in Ecclesia
 sacerdicia sancti Demetrij pro tempore à
 Patriarcha Ierosolymitano & Capitulo suo
 fuerit delegatus, mihi & successoribus
 meis canonice intrantibus obedientiam &
 reverentiam tenebitur exhibere. Matrici
 insuper Ecclesiæ Thessalonicensi & mihi
 meisque successoribus in dicta Ecclesia om-
 ni jure & libertate nostra, sicut & in aliis
 Ecclesiæ ejusmodi, plenariè reservatis. Sal-
 va Domini Patriarchæ Ierosolymitani &
 Capituli sui in omnibus obedientia in ip-
 sum Priorem & Canonicos & alios religio-
 os ibidem commorantes. Igitur cùm ordi-
 nations Ecclesiarum quæ per inferiores
 Prælatos fieri nequeunt, Ecclesiæ Roma-
 næ, quæ disponente Domino omnium Ec-
 clesiærurum mater est & magistra, debeant
 reservari, dictam compositionem five dis-
 positionem, quam per me facere vel fit-
 mare non præsumpi, sanctitati vestre du-
 xi transmittandam, paternitatem vestram
 flexis genibus mentis exorans attenuis &
 obnoxie quatinus causa Dei & ob dominici
 sepulchri reverentiam & precum mearum
 interventu, si sanctitati vestrae competens
 & honestum videbitur, ipsam auctoritate
 vestra facere vel inceptam perficere digne-
 mini, & ut majorem habeat firmitatem,
 eandem auctoritate prædicta roborantes.]
 Nulli ergo &c. confirmationis &c. nōque
 contraire. Si quis autem &c. nōque incertum
 Datum Laterani vii. Kalen. Junij,
 pontificatus nostri anno decimo quinto.

*D E C A N O , T H E S A V R A R I O ,
 & magistro scholarum Nivernensibus.*

Significavit nobis venerabilis fraterno-
 ster Bituricensis Archiepiscopus quod
 cùm ex officijs sui debito suam ducit pro-
 vinciam visitandam, nonnullæ Ecclesiæ mo-
 tropolitico sibi jure subjectæ, procuratio-
 nem debitam sibi denegant exhibere, hoc
 ad